



Broj: 11-11-1758/24
Vogošća, 08.11.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 08.11.2024. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA SANACIJI
KLIZIŠTA "KOBILJA GLAVA DO BROJA 116"**

Član 1.

Ponuda ponuđača/grupe ponuđača "KM inženjering" d.o.o. Sarajevo i "Termo-beton" d.o.o. Breza, odabrana je za izvođenje radova na sanaciji klizišta "Kobilja Glava do broja 116", kao jedina pristigla ponuda, sa ponuđenom ukupnom cijenom nabavke u iznosu od 106.000,00 KM bez uračunatog PDV-a, odnosno 124.020,00 sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 17.10.2024. godine donio Odluku o pokretanju Otvorenog postupka nabavke radova na sanaciji klizišta "Kobilja Glava do broja 116", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 17.10.2024. godine pod brojem: 1353-1-3-228-3-163/24.

Sažetak Obavještenja o nabavci objavljen je u "Službenom glasniku BiH" broj: 72/24 od 25.10.2024. godine.

Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 07.11.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.11.2024. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to grupe ponuđača "KM inženjering" d.o.o. Sarajevo i "Termo-beton" d.o.o. Breza, broj int. knjige 352/24, sa ponuđenom ukupnom cijenom nabavke u iznosu od 106.000,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-1758/24 iz oktobra 2024. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda grupe ponuđača "KM inženjering" d.o.o. Sarajevo i "Termo-beton" d.o.o. Breza ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude grupe ponuđača "KM inženjering" d.o.o. Sarajevo i "Termo-beton" d.o.o. Breza, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).



Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača/grupe ponuđača "KM inženjering" d.o.o. Sarajevo i "Termo-beton" d.o.o. Breza, za izvođenje radova na sanaciji klizišta "Kobilja Glava do broja 116", kao jedine pristigle ponude, sa ponuđenom ukupnom cijenom nabavke u iznosu od 106.000,00 KM bez uračunatog PDV-a, odnosno 124.020,00 sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK
Migdad Hasanović
Migdad Hasanović

Dostavljeno:

1. "KM inženjering" d.o.o. Sarajevo i "Termo-beton" d.o.o. Breza
2. Nadležnoj Službi
3. U dosije
4. a/a

kadrijamalkic1@gmail.com